



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1845**

CXCIV. Das Damcapitel bestätigt das Testament des vorigen Dechanten  
Johann von Garthow, am 17: August 1380.

---

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

**CXCH.** Markgraf Sigismund bestätigt dem Domstift Stendal die von Bernhard von der Schulenburg für dasselbe erkaufte Hebungen in Bellingen und Miltterde, am 27. Febr. 1379.

In Nomine domini Amen. Nos Sygismundus, dei gratia Marchio Brandenburgensis, sacri Romani Imperii Archicamerarius, Honorabili viro domino Bernhardo de Schulenborch, Cellerario Ecclesie Halberstadenfis ac Canonico sancti Nycolai in Stendal, Halberstadenfis dyocesis, devoto nostro dilecto, justo venditionis et emptionis tytulo vendidimus et per presentes vendimus Redditus nostros annuales infraascriptos pro Quadraginta Marcis Brandenburgensis argenti et ponderis, nobis per ipsum in integrum realiter perfolutis, que siquidem quadraginta marce ulterius ad manus Nobilis Jescconis de Rozdylawitz, Curie nostre Magistri, in summam ex devolutione honorum sibi per nos recipere deputatam pervenerunt. In villa Bellinge in Curia, quam pronunc Henneke Lemmen inhabitat et colit, quinque modios Tritici et viginti unum modios ordei in pheodo, Item in Curia Coppe slotz ibidem, quam ipse pro nunc colit et inhabitat, unum chorom duri frumenti in pheodo et unum chorom filiginis et ordei in pacto, Item in Curia Henneke segherz similiter ibidem, quam ipse pronunc colit et inhabitat, duos modios pisorum, decem modios Tritici, duodecim modios filiginis, duodecim modios ordei in pheodo, et decem et octo modios filiginis cum decem et octo modis ordei in pacto; Item in villa Milttert, in Curia Johannis wust, quam ipse pronunc colit et inhabitat, quindecim modios filiginis, decem modios ordei, viginti modios avene in pacto singulis annis dictum frumentum temporibus perpetuis perfolvendum, cum omni Jure libertate et utilitate, prout quondam Hennyngus Sterinbeke famulus pie memorie a nobis et predecessoribus nostris Marchionibus Brandenburgensibus in pheodo habuit, tenuit atque possedit, et que sic ex morte ipsius pronunc legitime ad nos sunt devoluta, dicta bona cum pheodo ob honorem et Reverentiam omnipotentis dei Gloriose sue genitricis virginis Marie et omnium sanctorum, Neonon Magnificorum principum predecesorum nostrorum Marchionum Brandeburgensium animarum salutare Remedium, Et ad devotam infantiam et petitionem dicti domini Bernhardi de Schulenborch appropriavimus et per presentes sollempniter — donamus devotis nostris dilectis .. Preposito .. Decano, Capitulo Ecclesie Collegiate sancti Nycolai in Stendal Canonicis presentibus et futuris dicta bona cum pheodo, cum omnibus Juribus, Gratiis etc., Ita tamen quod prenomminatus dominus Bernhardus de Schulenborch post mortem suam cum dictis bonis valeat sibi aut ejus Testamentarii ipsius nomine facere perpetuam memoriam in Ecclesia sancti Nycolai predicta secundum ordinationem et dispositionem ipsius, prout melius sibi vel ipsis videbitur expedire. — Testes hujusmodi venditionis, Emptionis et Donationis sunt Nobiles Johannes de Kothebusch Capitaneus noster per Marchiam, Ernicus Schenke, Johannes de Wardenberge, Wilhelmus de Cünstad et alii plures fide digni. Actum et datum Stendal Anno domini Millesimo Trecentesimo Septuagesimo nono, feria sexta proxima ante dominicam, qua cantatur in Ecclesia dei Invo-cavit me etc.

**CXCIV.** Das Domcapitel bestätigt das Testament des vorigen Dechanten Johann von Garthow, am 17. August 1380.

In Nomine domini Amen. Nos Hennyngus Ghergel decanus Totumque capitulum Ecclesie sancti Nicolai in Stendal, ordinationem siue Testamentariam dispositionem quandam honorabilis



viri domini Johannis de Garthow decani, domini nostri, pie memorie, volumus et debemus per nos et nostros successores in perpetuum in anniuersario suo, quod est quarto kalendas februarii, in omnibus et singulis articulis, prout honorabiles viri et domini Bernardus de Sculenburg, Johannes de Scepelitz, canonici sancti Nicolai predicti, Albertus Mersen, vicarius, sui Testamentarii, ipsius domini Decani voluntatem et ordinationem intimarunt, prout eciam Idem dominus noster decanus dum vixit ordinavit, perpetuis temporibus sic obseruari. Tenor vero dicti Testamenti per omnia sequitur in hec verba. Primo pro se et pro salute anime domini Hinrici Wefandi de Cruzemarke, cuius eciam memoria quarto kal. februarii vna cum memoria ipsius domini decani peragetur, assignavit et dedit pratum, quod est locatum Juxta villam Magna Swechten in proprietate dominorum Canonicorum sancti Nicolai predicti, in limitibus ville Nyendorp dominis Canonicis sancti Nicolai antedicti, sub hac forma: huiusmodi pratum singulis annis soluit quinque fertones argenti in pensione et de illis quinque fertonibus plebanus s. Jacobi debet habere vnum fertonem in hunc modum distribuendum: Ipse plebanus habebit vnum solidum denariorum pro duplici porcione, quilibet vicarius ibidem aut eius officians sex denarios, vitricus Ecclesie habebit vnum solidum pro lumine ponendo in vigiliis et missarum sollempniis in anniuersario domini Wefandi predicti super eius sepulcrum. Terminarius sex denarios, Campanarius sex denarios, seolaris eius tres denarios et quod superest de dicto fertone plebanus predictus cum dictis vicariis aut eorum officiantibus equaliter diuidet, duplici porcione sibi referuata, donec numerus vicariorum fuerit auumentatus et tunc seruabitur ut prius. Preterea domini Canonici predicti habebunt tercium dimidium fertonem argenti de pensione ipsius prati, singulis annis in memoria dominorum predictorum diuidendum inter presentes in vigiliis et Missarum sollempnitatibus. Vicarii vero cum focis et conducticiis in Camera dominorum vnum fertonem argenti, equaliter inter presentes in vigiliis et Missarum sollempnitatibus diuidendo. Melioratio, si que existat in pensione predicti prati vltra quinque fertones prenotatos, apud dominos Canonicos remanebit. Preterea pro sollempniori memoria predictorum peragenda domini Canonici predicti presentes et in vigiliis et in Missarum sollempnitatibus existentes, singulis annis in dicta memoria debent habere de Curia in villa Cruzemarke, quam nunc heneke kuno inhabitat et colit et que eciam est appropriata dictis dominis Canonicis, primo viginti modios tritici et vnum chorum ordeii cum viginti duobus modis auene et decanus, qui pro tempore fuerit, debet habere duos modios pisorum de eadem Curia et decima minuta, Socii vero cum conducticiis medium chorum filiginis distribuendo equaliter prout supra: Cellerarius vero dominorum debet habere pro extorsione predictorum pro suo labore duos modios auene et duos modios filiginis et duos solidos denariorum Brandenburgensium Curia de eadem: Thezaurarius Ecclesie debet habere tres solidos denariorum nunc currentis monete pro lumine sollempni ponendo super sepulcrum domini decani in Memoria ipsius in vigiliis et missarum sollempnitatibus: Item duodecim Chorales quilibet debet habere quatuor denarios, Campanarius vnum solidum similiter monete nunc currentis de pensione et pecunia prati supradicti: Item duodecim solidi dicte monete ad elemosinam pauperum debent dari curia de eadem, exceptis tribus denariis de dictis duodecim solidis, quos seolaris Campanarii Sancti Nicolai habebit. Et si moneta nunc currens mutata fuerit, extunc secundum estimacionem dominorum predictorum distribucio fiat. In Cuius rei Testimonium Presentem ordinationem Sigilli nostri Capituli appensione duximus roborandam. Actum et datum Anno domini Millesimo Tricentesimo octuagesimo, feria Sexta proxima ante festum beati Bartholomei apostoli, in Capitulo nostro generali, Presentibus honorabilibus viris et dominis Johanne de Scepelitz Seniore, Johanne de Roxtze, Thiderio de vrbe, Gherardo de Redychstorp, Johanne de Curia Scholastico et Borchardo Swederi, Canonicis protunc Capitulum facientibus et his omnibus auctoritatem prestantibus.